



Lec 1 | MIT 6.042J Mathematics for Computer Science, Fall 2010
Instructor: Tom Leighton
Book: Mathematics for Computer Science

ملخص المحاضرة الأولى وأول شابتر من كورس وكتاب Mathematics for computer science لمعهد الـ MIT بعنوان Introduction and Proofs.

في البداية أيه هو الـ Proof؟ الـ Proof هو البرهان هو طريقة للتحقق من حقيقة شيء ما أو إثبات حقيقة شيء ما. في المجتمع في طرق كثير للتحقق من حقيقة شيء ما زي مثلاً الملاحظة والتجربة، القضاة، الدين، رئيسك في الشغل، في مجال التجارة مثلاً في مثل بيقول الزبون دائماً على حق.

طيب ايه هو الـ mathematical proof؟
a Mathematical proof is a verification of a proposition by a chain of logical deductions from a set of axioms.

خد بالك ان في التعريف ده في 3 حاجات مهمين جداً وهم اللي هتدور حوالينهم المحاضرة دي وهم الـ proposition و logical deductions و axioms.

تعالى نبدأ بأول حاجه يعني ايه الـ proposition؟ الـ proposition هي جملة يا إما تكون true او تكون false مثال على كده $5 = 3 + 2$ ، دي الـ statement اهي وقيمتها true، طيب $7 = 1 + 1$ دي بردو الـ statement ولكن false.

عندي حاجه تانية اسمها Predicate ودي بتكون عبارة عن الـ statement لكن فيها متغير والـ truth value بتاعته بتعتمد على المتغير ده معنى كده ان في طريقتين عشان احول الـ predicate دي لـ proposition يا إما اعوض عن المتغير بقيمة حقيقية، او حاجه تانية اسمها quantification مثال على كده:

$\forall n \in \mathbb{N} (n^2 + n + 41) \text{ is a prime number}$

حرف الـ A المقلوب ده أسمه universal quantifier وبيتنطق كده for all يعني ترجمه الجملة اللي فوق دي: For every nonnegative integer, n, the value of $n^2 + n + 41$ is prime. والـ N هنا اسمها universe of discourse.

معنى كده ان الstatement دي ترو لكل الأعداد الغير سالبة، وبالتالي عشان نقدر نثبت الكلام ده محتاجين نجرب كل الأرقام الغير سالبة! تعالى نجرب كده 0 هيطلعلك 41 وده فعلا عدد أولي، طب تعالى نجرب 1 هيطلعلك 43 وده برودو عدد أولي، افضل جرب كده لحد 39 هتلاقي كل اللي هيطلعلك أعداد أولية، يعني شكل كده الstatement ده هتطلع صح ولا ايه! طب تعالى نجرب 40 كده، هيطلعلك 1681 بس ده مش عدد أولي! إذا بما ان الstatement اللي فوق دي بتقول ان المعادلة دي true لكل الأعداد الغير سالبة وانت لقيت عدد الstatement عنده بـ false إذا الجملة دي غير صحيحة والرقم اللي انت لقيته اللي اسمه 40 ده بيسموه counter example.

مثال آخر:

$a^4 + b^4 + c^4 = d^4$ has no solution when a; b; c; d are positive integers.

بيقولك من الآخر كده مستحيل تلاقي 4 ارقام غير سالبة تحقق العلاقة دي، وده كان conjecture من Euler في سنة 1769، و conjecture ده معناها انها statement لسا مقدرناش نعرف اذا كانت true ولا false يعني لا ترقى انها تكون theory لان منقدرش نجرب كل الأعداد الغير سالبة لان ملهاش نهاية وفي نفس الوقت لم نجد counter example ليها عشان نثبت انها خطأ، الكلام ده فضل قرنين لحد ما أخيرا حد قدر يـ disprove it ووجد فعلا counter example ليها وكانت الأرقام كده:
 $a = 95800, b = 217519, c = 414560, d = 422481$

مثال آخر :

$313(x^3 + y^3) = z^3$ has no solution when $x; y; z \in \mathbb{Z}^+$

مش عايز أفاجئك بس اول counter example وجدوه كان رقم بيحتوي على اكثر من ألف digits! نيحي بقى للسؤال المهم، وأنا أيه اللي يخليني احاول الاقي حلول لحاجات زي دي؟ وليه في ناس ممكن تقضي وقت كبير جدا من حياتها في محاولة إيجاد حلول لحاجات زي دي؟

- الموضوع ده مهم عشان ال factoring اللي هو الطريق عشان تقدر تكسر crypto systems زي RSA واللي هو بيستخدم في كل حاجة بتقوم بيها إلكترونيا النهاردة من الشراء أون لاين والـ SSL وده كله معتمد على الـ Number theory وبالتحديد الـ factoring. أنت لو تقدر تكسر الـ Crypto Systems اه مش هتحكم العالم بس هتكون قريب من كده (:

احنا شوفنا اكثر من مثال لحد دلوقتي وكل واحد فيهم له حل، لكن في حاجات حتى النهاردة ملهاش حل، مثلا goldbach conjecture ، بيقولك ان اي رقم موجب زوجي معادا الـ 2 تقدر تمثله عن طريق جمع عددين أوليين الكلام ده من 1742 لحد النهاردة محدش قدر يعرف اذا كانت true او false! ودي مصنفة كواحدة من أعظم الألغاز الغير محلولة على الإطلاق.

في نوع مهم جدا من الstatements وهيكون مبني عليها حاجات كتير بعد كده وهي ال conditional statement واللي هي على الشكل ده : افترض ان عندك أتتين propositions وليكن p, q ال statement بتاعتك بتكون على الشكل ده If p , then q وبالرموز هتكون كده $p \rightarrow q$ وال statement دي بتكون false في حالة واحدة فقط وهي لو p قيمتها true والـ q قيمتها false. يعني لو عملت truth table فدي الحالة الوحيدة بس اللي هيكون فيها $p \rightarrow q$ بـ false.

p	q	$p \leftrightarrow q$
T	T	T
T	F	F
F	T	F
F	F	T

الحاجة الثانية التي كانت في اول تعريف اخذناه الخاص بالـ mathematical proofs وهي الـ Axioms ودي عبارة عن propositions برودو لكن احنا بنفترض انها true ملهاش إثبات يعني، حاجه انت شايفها منطقية جدا عشان تفترض انها true ، على سبيل المثال $a = b$, $b = c$ اذا $a = c$ ، وخذ بالك ان في ناس بتقول ان في الرياضيات مينفعش تعمل إفتراضات وده كلام غلط طبعا لازم تبدأ بإفتراضات وإلا مش هتقدر توصل لحاجة أساسا. حاجه مهمة انك تحدد الـ axioms بتاعتك عشان اي حد بيقرا الـ proof بتاعك يشوفها وبالتالي لو هو متفق مع الـ axioms دي فهيتفق مع الـ conclusion.

ثالث حاجه والأخيرة في التعريف وهي الـ Logical Deductions او الـ Rules of inference ودي بستخدمتها عشان اثبت propositions جديدة بإستخدام proposition انا أثبتها قبل كده، يعني تعالى كده على سبيل المثال نمسك الـ conditional statement اللي اتكلمنا عنها فوق:

لو قولتلك ان عندك proposition اسمها p وقيمتها true وقولتلك ان عندك $p \rightarrow q$ كمان true تقدر تستنتج ايه من الكلام ده ؟ الإستنتاج ان الـ q كمان true ، طب ازاى؟ لان احنا قولنا فوق ان الحالة الوحيدة ان $p \rightarrow q$ تكون بـ false وهي لو الـ p ترو والـ q بـ false بس هنا انا قولتلك ان $p \rightarrow q$ بـ true وبالتالي الـ q مستحيل تكون false فإذا لازم تكون true.

مثال ثاني لو قولتلك ان الـ proposition دي p and q ترو ، يبقى إذا تقدر تستنتج ان الـ p بترو والـ q كمان بترو.

تقدر تبحث عن باقي الـ Rules of inference على جوجل.

وبكده ده يكون ملخص المحاضرة الأولى والشابتر الأول في الكتاب الخاص بالـ MIT

أتمنى يكون مفيد، مع تحياتي: محمد صلاح.

<https://www.linkedin.com/in/mohamed-salah-039b35109>